

Cwestiynau Cyffredinol

Cyffredinol

1. Oes mesuriadau mewn lle gan y gwersyll i osgoi lledaenu COVID 19?

Mae iechyd a diogelwch yn flaenoriaeth i ni bob amser, a rydym yn dilyn canllawiau Llywodraeth Cymru, tra'n asesu'r sefyllfa'n ddyddiol er mwyn dilyn y cyngor mwyaf cyffredol. Rydym hefyd mewn ymgynghoriad cyson gyda arbenigwyr yn y diwydiant awyr agored ac yn cydweithio gyda ymgynghorwyr ymweliadau addysg.

2. Oes Asesiad Risg a canllawiau ychwanegol ar gyfer ystyriaethau COVID-19?

Oes, mae'r Urdd wedi cwblhau asesiadau risg ac yn ei adolygu yn gyson, ac wedi addasu ein canllawiau ar gyfer pob elfen o'n gwaith, er mwyn ystyried oblygiadau COVID-19.

3. Os oes, a yw'r asesiadau risg a'r canllawiau hyn ar gael i'w gweld pe bai angen?

Oes mae modd gweld rhain os hoffech.

Eich Ymweliad

4. Oes newidiadau yn y Gwersyll?

Oes mae dipyn o newidiadau yn y Gwersyll er mwyn sicrhau ein bod yn dilyn canllawiau Llywodraeth Cymru. Gweithredir sistem unffordd o fewn y gwersyll, a chedwir at y pellter cymdeithasol o 2fedr lle bo hynny'n ymarferol bosib. Darperir offer amddiffyn personol lle bo hynny'n angenrheidiol i staff ac/neu'n addas.

Gweithredir trefniadau arbennig yn y cabanau bwyta, gan gynnwys sistem unffordd, hylif diheintio, a chadw at y pellter cymdeithasol.

5. Fydd y gwersyll yn llawn?

Na, mae'r gwersyll yn rhedeg ar capasiti lawer yn llai ar hyn o bryd, er mwyn sicrhau fod modd i grwpiau ymbellhau yn ddiogel. Mae'r gwersyll yn gweithredu mewn system 'swigen', gyda adeiladau llety, manau ymgynnull a gweithgareddau wedi'u neilltuo ar gyfer pob grŵp neu 'swigen'

6. Sut ydych chi'n paratoi cyn ac ar ôl cwsmeriaid?

Ein polisi safonol yw sicrhau bod y Gwersyll yn cadw at safonau glendid o ansawdd da pob amser. Disgwylir i bob ymwelydd olchi/ diheintio eu dwylo yn rheolaidd a gwneud defnydd or pwyntiau hylendid dwylo yn ystod eu cyfnod yn y gwersyll. Neilltuir amser yn ystod y dydd i ganiatáu i hyn ddigwydd. Mi fydd y tîm glanhau yn glanhau a diheintio pwyntiau cyswllt y Gwersyll yn rheolaidd. Byddem yn sicrhau fod ystafelloedd ac offer yn cael eu rhoi mewn 'cwarantîn' am gyfnod o 72 awr ar ôl ymwelwyr. Os nad yw hyn yn bosib, byddem yn diheintio yn drylwyr rhwng ymwelwyr, gan gynnwys defnydd peiriant niwl.

7. Oes systemau mewn lle i sicrhau fod staff y gwersyll ddim efo Covid 19?

Mae pob aelod o staff sydd yn gweithio yn y gwersyll wedi derbyn hyfforddiant safonol COVID-19. Ni fydd staff yn dod i'r gwaith os maent yn dangos unrhyw symptomau, neu'n byw gyda rhywun sydd yn dangos symptomau. Mae'n ofynnol i bob aelod o staff gymryd a nodi eu tymheredd pan yn dod i'r gwaith bob dydd

8. Fydd staff y gwersyll yn gwisgo mygydau?

Mae pob aelod o staff gyda mynediad at hylif diheintio a mwgwd. Bydd ein hyfforddwyr yn cario rhain efo nhw bob amser tra ar weithgareddau ond dim ond yn gwisgo mwgwd mewn unrhyw achos lle nad oes modd cadw pellter cymdeithasol.

9. Ydych chi'n cefnogi Profi Olrhain Diogelu (Test Trace Protect) y Llywodraeth?

Ydyn, rydym yn cadw cofnod o bob ymwelwr am gyfnod o 3 wythnos er mwyn cefnogi POD.

10. Pa weithgareddau sydd ar gael?

Mae nifer o weithgareddau arferol y gwersyll ar gael, ond gyda ambell newid i'r canllawiau er mwyn ystyried oblygiadau Covid-19.

11. Ydi'r pwll nofio ar agor?

Ydi, mae'r pwll nofio ar agor ond dim ond ar gyfer un grŵp swigen ar y tro. Byddem yn annog gwersyllwyr i newid yn eu ystafelloedd. Pan nad yw hyn yn bosib mae'r ystafelloedd newid ar gael i un grŵp swigen ar y tro, a bydd glanhau a diheintio rhwng defnyddwyr.

12. Ydych chi'n gallu darparu cymorth cyntaf?

Ydyn, bydd aelod o staff sydd a cymhwyster cymorth cyntaf ar alwad drwy gydol eich ymweliad. Mae'r holl offer PPE angenrheidiol ar gael yn y gwersyll er mwyn gweinyddu cymorth cyntaf mewn modd diogel. Bydd ein hyfforddwyr yn cario cymorth cyntaf ac offer PPE ar bob gweithgaredd, ac yn cario offer arbennig ar gyfer cymorth cyntaf difrifol.

13. Oes rhaid i mi ddod ag unrhyw beth ychwanegol i'r arfer?

Bydd, mi fydd gofyn i chi ddod ag ambell i beth ychwanegol i'r arfer. Ni fyddwn yn darparu dillad gwely na thywelion - gofynnir i bawb ddod â sach gysgu/duvet a thywel. Gallwn ddarparu clustog gyda gorchudd, ond mae croeso i wersyllwyr ddod â chlustog eu hunain.

Gofynnwn i bawb ddod a hylif diheintio a mwgwd efo nhw i'r gwersyll.

14. Oes trafndiaeth ar gael?

Gofynnwn i grwpiau drefnu trafndiaeth eu hunain lle'n bosib. Rydym yn dilyn canllawiau Llywodraeth Cymru o ran cludo pobl yn ein bysiau mini. Bydd angen i bawb wisgo mwgwd pan yn y cerbyd. Bydd angen cadw i un set wrth y ffenest pan nad yw cwsmeriaid yn teithio o fewn eu swigod. Bydd y cerbyd yn cael ei roi mewn cyfnod cwarantîn o 72 awr rhwng defnyddwyr gwahanol. Os nad yw hyn yn ymarferol bosib, bydd peiriant niwlo yn cael ei ddefnyddio i ddiheintio y bws rhwng defnyddwyr.

Gweithgareddau tu allan i'r gwersyll

15. Ydi Glan-Llyn yn darparu gweithgareddau tu allan i'r Gwersyll, mewn ysgolion neu yn y gymuned?

Ydym, mae Glan-Llyn wedi sefydlu Gwasanaeth Awyr Agored (GAA) ers sawl blynedd bellach, sydd yn arbenigo mewn darparu gweithgareddau anturus neu gweithgareddau dysgu tu allan i'r dosbarth. Mae'r GAA yn gallu cynnal gweithgareddau ar dir yr ysgol, neu mewn lleoliadau addas cyfagos, gan ddilyn canllawiau Llywodraeth Cymru.

16. Pa fath o weithgareddau sydd ar gael?

Mae'r GAA yn cynnal amryw o weithgareddau oddi ar y safle, i gyd yn ddibynnol ar yr adnoddau sydd ar gael yn eich ysgol/ ardal chi. Gall hyn fod yn weithgareddau dysgu yn yr awyr agored sydd yn canolbwyntio ar adeiladu tîm, cydweithio, codi hyder, iechyd a lles; neu'n weithgareddau mwy arbenigol fel cyfeiriannu, saethyddiaeth, gwylltgrefft, teithiau cerdded, sgiliau gwersylla ac alldeithiol. Pe bai eich lleoliad a canllawiau yn caniatáu, mi fedrwn gynnig gweithgareddau anturus yn eich ardal leol, tebyg i ganwio, ceufadu, padlfyrddio, dringo, mynydda, cyfeiriannu, beicio.

17. Sut ydych yn sicrhau fod y gweithgareddau yn ddiogel o ran oblygiadau COVID-19?

Mae holl hyfforddwyr y GAA wedi derbyn hyfforddiant mewnol, sbesifig ar gyfer COVID-19. Rydym wedi addasu gweithdrefnau ein gweithgareddau er mwyn dilyn canllawiau cyfredol Llywodraeth Cymru, gan bwysleisio pellter cymdeithasol a gwiriadau iechyd. Rydym yn adolygu rhain yn gyson. Mae gan bob hyfforddwr fynediad at PPE ac offer glanhau a diheintio i bob gweithgaredd.